

畿輔通志卷二百五十三

列傳六十一 列女九

國朝三 寶坻 甯河 昌平
順義 密雲 懷柔 涿州

國朝

寶坻縣

王兆辰妻劉氏通詩書嫺禮教兆辰明天啟舉人早卒劉年二十六撫二子以守長乃真諸生次乃餘順治十一年登賢書氏歷節五十五年已旌

大清一統志兼採縣志

楊翻妻袁氏翻少孤秉母訓弱冠入庠明崇正丙子翻以募兵出未幾城陷合家殉難氏投井水淺不得死兵退或救之出翻尋歸生子孝純翻卒袁苦守孝純撫之入泮孫雍康熙十一年領解十八年成進士入詞林咸以爲兩世節烈之報

縣志兼採益都趙執信撰楊西涇行狀

庠生張奇業妻周氏奇業兄及弟多殉丙子之難奇業獨免

早卒周年二十六歲撫遺腹子宿入泮以節壽終

洪肇楸張節婦贊畧

吾謁三烈祠見丙子殉難者張門有王氏郝氏芮氏及烈女登姐四姐諸人悲哉張門其幾無噍類乎其僅存者又不幸而早世祖宗血食不絕如縷非氏之賢張門奚賴哉吾知諸殉節者相見九京應交讓之能爲其難也

縣志

貢生牛景浩妻潘氏年二十五夫故子尋殤訓姪鏢貢成均

歷節五十五年孫之禮亦登拔萃娶於芮生二子卒芮逮事

祖姑以節孝著卒年九十餘歲

同上

杜立言妻張氏夫早故值明季兵燹常佩刀自備撫孤子恭

食餼於庠早卒復誨姪入庠歷節五十餘年康熙二十六年

旌

雍正志

庠生杜懋行妻芮氏明鼎革懋行以憂卒芮年二十八撫族

孫以守歷節三十六年

縣志

劉賢妻張氏庠生苑肯堂妻郝氏均早寡守節孝事孀姑撫

孤成立張年逾八十郝年七十有一

大清一統志
兼採康熙志

崔賢繼妻王氏年二十八夫亡訓子周田及前室子國祚國

禎國祺入泮國禎早卒媳楊氏年二十六訓孤果親入泮王

卒年六十九歲楊亦以壽終

大清一統志
兼採縣志

貢生單者昌妻杜氏相夫有禮者昌早卒杜撫孤守節歷五

十年曾孫鑑鐸皆成進士

洪肇楸杜節婦贊積善餘慶瓜瓞綿綿殆有自哉者昌積學勵行責

志以歿杜復以禮法訓勉諸孤識者早卜其後之必大矣人貴自立藉庇何為不於其身必於其子孫所爭固不在目前

也縣志兼

採單氏家譜

呂永言妻王氏年二十撫孤守節勤紡績孝事舅姑始終如

一卒年五十九歲

縣志

庠生芮伯祥妻張氏庠生芮應陽妻王氏均早寡茹貧守節

張教三子成立卒年九十二歲王訓子及孫皆入庠卒年七

十三歲當事旌之

康熙志兼
採縣志

陸河妻蔣氏年二十二夫故姑已八旬色養盡孝撫襁褓子

守節三十餘年康熙四十四年旌

雍正
志

庠生劉從玉妻王氏年二十夫卒家貧子幼泣淚成血而卒

鄉人哀其節爭恤其孤

康熙志兼
採縣志

杜懋德妻丁氏早寡訓子永年入泮守節三十四年

庠生陳以慈妻傅氏撫孤苦守介節自持卒年七十三歲

監生陳廣妻楊氏年二十八守節教子義方卒年七十

俱同
上

王煒妻劉氏煒卒遺孤國受甫十歲撫之成立娶盧氏亦賢

淑生子禔而寡禔娶於苑氏事二代孀姑盡孝未幾禔又卒

孤可久尙幼劉暨盧苑共撫成立劉卒年八十一歲盧年五

十餘苑年七十餘

洪肇懋王門三節贊以節繼節以賢繼賢學士大夫家猶且難之况匹婦乎邑青藜

莊王門姑媳三世以苦節著斯亦奇矣或疑累世單傳中道短折天之酷王實甚然節萃一門聲傳四境又何必非彼家之慶哉

縣志

庠生杜立愛妻葉氏年二十五夫亡庠生杜立大妻鄧氏年

二十四夫亡事孀姑均竭力盡職葉厯節四十七年鄧卒年

六十三歲鄧子恭琦官部曹恭琦卒妾劉氏年二十七歲撫

三子履彤履恒履乾俱成名厯節三十七年

甯河縣志

杜立本妾王氏于氏立本官廬州知府卒王年二十三撫子

恭揆恭膚成立于年二十五訓遺腹子恭偉入成均卒年皆

七十餘歲恭偉妾孟氏年二十九恭偉卒亦撫孤守節終身

同上

孝廉劉崑繼妻楊氏年十八于歸年餘而寡矢志守節訓前

室子七人成立
斬登賢書任泰興令

縣志

吳洸妻劉氏年十九夫亡或勸之嫁氏斥絕之孤子尋天撫

姪守節四十二年雍正二年卒

同上

杜立善妻鄧氏立善賁志早卒鄧年十八奉姑守節盡孝撫

姪孫以延夫緒雍正二年旌

雍正志

臨淮典史常懷遠繼妻張氏生子兩月夫卒於官張年二十

二扶柩歸葬侍姑晝夜不倦前室子既娶而卒媳韓氏依張

以守事重閨盡孝子繼先入泮雍正三年旌

雍正志兼採縣志

牛文輝妻芮氏文輝官玉田教諭卒氏年二十一

雍正志作二十七

守節六十三年孝事舅姑始終盡禮訓子鍾登賢書雍正四

年

雍正志旌同作二年上

劉世英妻孫氏年二十生子朝珍而世英故或諷之嫁孫指

其孤曰此可使謂他人父乎迨娶婦崔生孫未彌月而卒崔亦矢志靡他雍正五年崔卒明年孫亦卒鄉里哀之合詞請旌同時李子鳳妻王氏及其子棟之妻張氏亦以雙節著王生棟數月而寡棟娶張二年卒姑媳共撫遺孤歷節終身洪肇林劉李雙節贊徽音克嗣斯男兆焉詩人所頌美也乃若未逢其慶轉遘厥凶再世單傳孀居勵節將毋實命不猶歟獨是冰雪雙清爲人世所僅有而此地自王門三節後如劉如李同時鼎峙若聞聲而接踵者然嗟嗟蓋慕義懷貞風俗之隆所由來者遠矣縣志

杜恭璿妻王氏恭璿立德次子官典簿卒王年二十二事姑盡孝撫嗣孫廷蘭辛勤備至縞服茹素守節四十餘年雍正六年旌廷蘭生母王氏陝州知州通文妾也年二十三通文卒撫遺腹廷蘭紡績守節歷四十年雍正志兼採甯河縣志

庠生芮鉉妻孫氏德性溫恭事姑相夫均盡職鉉卒孫年二

十有四撫孤世芳入泮雍正八年旌

雍正志兼
採縣志

陳琮妻顧氏幼嫻女訓歸琮事姑盡職琮卒子幼姑善病顧

事之謹姑歿哀毀幾殆子尙志以雍正十年登武科顧年七

十餘

縣志

方成芝妻徐氏年二十七寡孝事孀姑訓子整入泮守節三

十九年貢生張天爵繼妻曹氏年二十六夫亡撫前室女如

所生嗣男士植入成均守節四十九年雍正十二年并旌

雍正志

志兼採

縣志

謹案方成芝妻徐氏張天爵妻曹氏雍正志皆兩見均無

事蹟

趙準妻何氏準卒何奉祖姑以守色養備至訓嗣子有方以

節終

同上

庠生芮復興妻萬氏年十七夫故矢志勵節四十五年訓嗣
子之鵬入泮之鵬早卒復撫孤孫苦守以終同時沈鉞妻趙
氏年二十六夫亡撫孤子苦守三十二年乾隆元年并旌縣志
陳藻妻李氏年二十二夫故事舅姑竭誠盡孝始終以禮撫
孤守節四十七年乾隆元年旌

李顯林妻白氏年二十六而寡姑已九旬事之跬步不離喪
葬盡禮撫孤守節四十九年乾隆二年旌

庠生王之珍妻李氏年二十八夫故事病姑極孝閭里咸稱
子敬宮干總乾隆四年旌

馬于謙妻周氏李鳳翔妻張氏葉鑑妻徐氏均早寡撫孤守
節并以孝著徐有欲奪其志者斷指以誓子沛沛登武科乾

隆六年并旌俱同上

州同杜履怡妻劉氏恭琦子婦也讀書知大義年十七于歸相夫以禮履怡卒哀慟屢絕矢志撫孤守節姑病時作劉不去側歷三十七年卒乾隆十七年旌怡弟履謙妻徐氏年二十六寡履恒妻張氏年二十三寡均以孝著徐以夫姪嗣守節四十八年張撫孤守節已三十年

甯河縣志

庠生芮引年妻陳氏少習經史以才女名于歸未幾夫故以遺娘不敢死生子林親課之入庠壽八十一歲已旌

縣志

崔深妻齊氏年十九寡奉姑撫子以孝慈著田佩荃妻馬氏年二十四夫亡孝事舅姑始終以禮訓子入泮方應春妻倪氏年二十三守節事舅姑孝子兆璞入成均

庠生張玉麟妻李氏早寡守節孝事孀姑趙之琇妻吳氏年二十二守節教子入泮以上均守節終身邑人爲請旌表

同上

貢生王澤世女幼許字單士一爲室婚有日矣士一遭母喪

以毀卒女請奔喪父母勿許將投繯乃從其志入門縞素守

節終身邑令伍澤榮爲徵詩紀之

洪肇林工貞女贊謬哉毛西河之論貞女也由彼之

言一若古未有此者果爾則處女吟貞女引何自而傳哉且請期納幣既有成言雖未婚身業有屬猶士之尚未入官者耳未入官亦臣也遭逢變故初不必責以能守能守是尤可欽矣以人之不守而轉訾能守者爲過情其賊夫名教也不己甚乎河間李琮咏王貞女詞紅絲一縷曾牽着纜訂終身託桃夭未賦玉郎亡好個香閨弱女鐵心腸鉛華洗盡容粧素徑往夫家去告辭阿母莫須留誓與幽魂相伴讀書樓嬌娃也有輕生者以死從泉下如何且作未亡人聊奉高堂菽水幾晨昏只因書史曾經讀氣節超凡俗芳心已歇似春花風雨飄零冷淡是生涯縣志兼採單氏家譜

李豎妻張氏年十五于歸五月夫亡孝事舅姑養葬盡禮弟

塢以其長子爲之後塢早卒其婦依張以守時稱雙節

縣志

尙文夏妻鄭氏文夏卒無子夫兄弟奪產逼嫁鄭矢死以守

歷節彌堅忍凍餒數十年

艾某妻尹氏美而賢年十七歸艾夫疾已篤未幾卒有土豪
陷其舅姑以金百兩田一頃謀娶之舅姑許諾尹偕受命密
縫裳衣服鹵而死邑令黃志元爲懲土豪而表其墓

劉君仁妻孫氏年三十夫亡孝事舅姑四十年如一日撫三
子成立同時牛景治妻白氏年二十九守節孝事孀姑訓子
入泮卒年六十三歲

庠生劉源深妻韓氏年二十八守節孝事舅姑訓子嘉聲孫
體乾皆知名庠序歷節已四十餘年

俱同上

州同杜恭宋繼妻談氏立本長子婦也年二十九夫故訓子

鑄鈺皆有聲庠序卒年八十五歲

甯河縣志

杜文學妻吳氏文學卒舅年老家貧遺娠生男撫之成立氏
茹草根啖糠覈者三十餘年堂上菽水未嘗或缺

洪肇彬杜孝婦贊余

修志主於表彰苦節大率寒微居多若吳氏者尤可憫矣枵腹養翁豈獨甘荼如薺哉其視草根糠覈直猶薑桂辣椒蘭芬也奚悔焉

縣志

張有充妻傅氏張德俊妻方氏年俱二十六夫亡家貧自勤操作孝事孀姑甘旨無缺均撫孤守節終身

陳士顯妻張氏年二十五夫故孝事舅姑慈撫孤子舅姑歿躬親負土成塋守節四十七年

朱景通妻楊氏年二十守節孝事舅姑姑歿又十一年舅卒貧無以殯將賣子戚族憐之助之葬

楊成妻張氏年二十一守節孝事舅姑舅歿事姑歷三十五年如一日撫孤子成立同時許見龍妻牛氏年十七于歸事重闈以孝稱見龍卒牛年二十七歲撫孤守節終身

盧文信妻張氏早寡守節子亡孫幼偕寡媳撫之孫又卒張

哭之而歿年八十餘同時貢生鄭國直妻尹氏年二十六夫故孝事高堂撫孤子佩入國學娶劉氏佩早卒尹偕寡媳孤

孫同心守節以終

俱同上

單家瑾妻邵氏性貞靜寡言笑年二十八夫故撫孤碩膚登

賢書碩膚早卒媳高氏亦撫孤矢志不二

縣志兼採單氏家譜

單家琬妻劉氏年二十八夫故遺一子艱苦撫之或探其志

劉指樹曰根芽不絕奈何忍而剝諸六十四年冰霜備歷閭

里稱賢母云

單氏家譜

張愍妻張氏年三十守節庠生杜恭訓妻宋氏年二十八守

節趙之璧妻張氏年十九守節崔珪繼妻楊氏年二十六守

節庠生楊紹曾妻牛氏徐紹榮妻趙氏年俱二十九守節皆

孝事孀姑撫嗣子成立愍妻張壽九十三歲子慶雲入泮宋

子亦成名皆以節終

縣志兼採甯河志

趙衍宗妻王氏幼習書通文義年二十四守節同時諸生陳恩泰妻劉氏年二十一守節劉緝漢妻杜氏年二十九守節監生張其維妻劉氏年十九守節單鈞妻杜氏年二十守節馬作聖妻郝氏年二十二守節楊喬參妻趙氏年十八守節以上皆孝事舅姑慈撫嗣子劉妻杜守節五十餘年子湧登武科陳妻劉守節四十餘年餘皆守節終身

縣志

李進富妻袁氏年二十四夫亡撫遺腹子守節事姑盡孝劉敬宗妻杜氏年十八夫亡誓從死祖姑勸止奉事盡職袁守節四十七年趙守節三十餘年

庠生張天申妻楊氏年二十五夫亡庠生楊鈞繼妻劉氏年十八夫亡庠生劉善教妻張氏劉鳳彩妻王氏齊岩妻趙氏

孫天佑妻白氏皆早寡以上各孝事舅姑訓子守節終身

李燦新妻張氏年二十六守節四十四年張德俊妻方氏早寡守節孝事舅姑慈撫孤子邑令伍并旌之

黃文寶妻芮氏年二十一夫亡郭有棟妻周氏年二十夫亡楊棠妻李氏年二十七夫亡陳璋妻張氏年二十四夫亡皆孝親撫孤芮守節四十餘年餘均守節終身

劉之華妻楊氏年二十五守節五十六年許日政妻張氏年二十八守節紀邦安妻曹氏年二十九守節各三十餘年事孀姑撫孤子皆以孝慈稱

楊文然妻何氏年二十八夫故李蘊高妻張氏年二十九夫故皆孝親守節終身同時張錞妻張氏早寡茹貧守節事姑

歷二十餘年

俱同上

傳秉濯妻王氏年二十五夫故孝事舅姑撫孤成立守節二

十九年卒乾隆六十年旌

採訪冊

王舜夫妻高氏幼失恃怙鞠於祖父母早通女訓年十八于

歸隨夫官盛京事翁姑愉婉盡職純孝而賢撫側室楊氏子

如己出卒年六十有八

王母高太夫人行狀畧夫入靜海高氏寶坻王舜夫先生名詢之元配也

父荀玉夫人生十餘歲失父母即鞠育於祖父母早通女訓

不事華飾祖父母尤愛憐之年十八歸於王氏逮事王舅王

姑是時王舅樞園先生采好讀書不問家事而王姑崔太夫

人持內政井井間與王氏諸娣姒齊年者歲時令節問遣過

從必命夫人侍嘗言新婦能當吾意比崔太夫人歿夫人方

從舜夫先生官盛京訃至哭累日不休曰王姑愛我我不及

視王姑含殮也其事君舅北臺先生枚士暨君姑解太夫人

尤盡婦職事姑如母左右奉養終姑之身未嘗一日離於側

解太夫人性嚴重而夫人承以愉婉以故久之姑以爲孝歲

丙寅夫人年五十矣是時舜夫先生召諸甥於家爲之延師

讀書間或督過之予以杖會甥病而解太夫人以愛外孫甚

聞之不樂曰兒奈何病若甥爲之罷食至再舜夫先生聞太

夫人怒則惶恐至不敢見於是夫人長跪太夫人前爲夫謝